



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2007. GODINU **HRVATSKOG PRAVAŠKOG BLOKA BiH**

Broj: 03-07-6-875/08
Sarajevo, 30. januar 2009. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja Hrvatskog pravaškog bloka BiH za 2007. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Stranka nije ispoštovala odredbe člana 8. stav (1) Zakona o finansiranju političkih stranaka.**
- 2. Stranka nije ispoštovala odredbe člana 11. stav (3) i (4) Zakona o finansiranju političkih stranaka jer finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka i nije dostavila dodatnu dokumentaciju.**

Na osnovu našeg pregleda, odnosno kontrole finansijskog izvještaja, osim gornjih napomena pod 1. i 2. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Hrvatskog pravaškog bloka BiH za 2007. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08). Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatski pravaški blok BiH je iskazao ukupne prihode u iznosu od 3.000,00 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u Uk.prih. %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	3.000,00	100,00%
	Ostali prihodi	0,00	0,00%
	Ukupni prihodi:	3.000,00	100,00%

U godišnjem finansijskom izvještaju Hrvatski pravaški blok BiH je iskazao ukupne rashode u iznosu od 4.011,00 KM.

2. PREDSTAVLJANJE POLITIČKE STRANKE

Naziv političke stranke: Hrvatski pravaški blok BiH. Skraćeni naziv stranke je HP BLOK BiH. Politička stranka je registrovana 13.05.2002. godine u Kantonalnom sudu u Širokom Brijegu, broj upisa R 7/02.

Sjedište političke stranke je u Ljubuškom, Stube bb.

Lice ovlašteno za zastupanje stranke: Željko Koroman, predsjednik.

Lice ovlašteno za podnošenje finansijskih izvještaja za 2007. godinu je Željko Koroman.

Prema podacima iz finansijskog izvještaja Hrvatski pravaški blok BiH nema organizacione dijelove nižeg nivoa (entitetske, kantonalne, opštinske).

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatskog pravaškog bloka BiH za 2007. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Hrvatski pravaški blok BiH u izvještajnom periodu postupao u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatskog pravaškog bloka BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta.

4. PRETHODNE KONTROLE I REVIZIJE

Izvršen je pregled godišnjeg finansijskog izvještaja Hrvatskog pravaškog bloka BiH za 2005. godinu i izdat izvještaj o pregledu sa mišljenjem revizora, nalazima i preporukama revizije.

Služba za reviziju je, takođe, izvršila pregled godišnjeg finansijskog izvještaja za 2006. godinu i izdala izvještaj o pregledu sa mišljenjem revizora, nalazima i preporukama da stranka treba da postupa u skladu sa odredbama člana 8. stav (1) i člana 11. stav (3) Zakona o finansiranju političkih stranaka. Izvještaj o pregledu godišnjeg finansijskog izvještaja za 2006. godinu je stranci dostavljen nakon što je politička stranka Centralnoj izbornoj komisiji BiH podnijela godišnji finansijski izvještaj za 2007. godinu.

Nerealizovane preporuke

Na osnovu uočenih nedostataka u godišnjem finansijskom izvještaju za 2007. godinu, utvrđeno je da politička stranka nije ispoštovala preporuke koje su date u navedenim izvještajima. Stranka je i u 2007. godini koristila prostorije Opštine Ljubuški što je u suprotnosti sa odredbom člana 8. stav (1) Zakona. Takođe, Hrvatski pravaški blok BiH finansijski izvještaj nije popunio u skladu sa Pravilnikom o godišnjim finansijskim izvještajima političkih stranaka.

5. NALAZI I PREPORUKE

5.1. NALAZI

a) Hrvatski pravaški blok BiH nije postupio u skladu sa odredbama člana 8. stav (1) Zakona o finansiranju političkih stranaka.¹

Prema podacima iz dodatne dokumentacije utvrđeno je da je Hrvatski pravaški blok BiH u periodu od januara do jula 2007. godine, bez naknade, koristio poslovne prostorije Opštine Ljubuški.

¹ Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke stranke.

b) Stranka je prekršila odredbe člana 11. stav (3) i stav (4) Zakona o finansiranju političkih stranaka.²

- Obrasci godišnjeg finansijskog izvještaja nisu popunjeni u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06). Hrvatski pravaški blok BiH nije na obrascu 2 iskazao transakcijski račun broj 3060240000021007. Prema podacima uz bruto bilansa sa ovog računa je isplaćeno 1.000,44 KM, što ne odgovara podacima koje je dostavila stranka.³ Osim navedenog, stranka je prihod od kamate po transakcijskom računu iskazala na obrascu prihoda iz budžeta 3.f.
- Hrvatski pravaški blok BiH je prekršio odredbu člana 11. stav (4) Zakona o finansiranju političkih stranaka jer nije ni na ponovni zahtjev Centralne izborne komisije Bosne i Hercegovine dostavio dodatnu dokumentaciju (kopije izvoda deviznog računa).

5.2. PREPORUKE

Preporučuje se Hrvatskom pravaškom bloku BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *Da postupa u skladu sa odredbama člana 8. stav (1) i člana 11. stav (3) i (4) Zakona o finansiranju političkih stranaka i to:*
 - *da ne prima priloge koji su zabranjeni ovim Zakonom,*
 - *da finansijske izvještaje koje podnosi Centralnoj izbornoj komisiji BiH sačinjava u formi propisanoj Pravilnikom o godišnjim finansijskim izvještajima političkih stranaka i dostavlja dodatnu dokumentaciju.*

KOMENTAR:

U ostavljenom roku, Hrvatski pravaški blok BiH se nije očitovao na Preliminarni izvještaj o pregledu godišnjeg finansijskog izvještaja za 2007. godinu.

Mr. Hasida Gušić, šef Službe za reviziju

Sanja Čabrilo, revizor

² Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH, a čiji su sadržaj i forma propisani Pravilnikom o godišnjim finansijskim izvještajima političkih stranaka.

³ Potvrda broj 15-04-08-264 od 07.11.2008. godine koju je izdala Hypo Alpe Adria banka.